

ABB parta en l'onn da giubileum cun il tren ad autotracciu Allegra en il design d'ABB

Avant 125 onns han fundà Charles Brown e Walter Boveri a Baden en Svizra la BBC ch'è sa sviluppada al concern mundial odiern ABB cun interpresas afiliadas en var 100 pajais.

Turitg, ils 14 da schaner 2016 – Quest onn festivescha ABB ses 125avel onn d'existenza en Svizra. Per iniziar l'onn da giubileum vegn in tren ad autotracciu Allegra da la Viafier retica (VR) a visualisar cun in'axa cronologica l'istorgia dad ABB.

L'interiur ed exteriur da la cumposiziun da tren è vegnida transformada tenor il branding da giubileum dad ABB. Il tren circulescha durant il Forum mundial d'economia (WEF) e vegn alura duvrà sin auters trajects da la VR. ABB e la VR accentueschan cun la cumparsa optica cuminaivla lur stretga collavuraziun da bunamain tschient onns. La VR ha pudì festivar sezza l'onn 2014 ses giubileum da 125 onns, e sia lingia da viafier da l'Alvra e dal Bernina è dapi il 2008 represchentada en la glista dal patrimoni mundial da l'Unesco sco capodovra da la tecnica da viafiers.

Ulteriurs events ed ulteriuras festivitads per il giubileum dad ABB vegnan a mussar durant l'entir onn la stretga colliaziun dad ABB cun la Svizra. ABB vegn ad esser preschenta l'entschatta da zercladur tranter auter a moda prominenta a l'ocasiun da l'avertura dal nov tunnel da basa dal Gottard – il pli lung tunnel da viafier dal mund. Il nov tunnel cuntegna ina vasta paletta da tecnologias dad ABB. Quellas garanteschon il provediment d'energia da l'infrastructura e da la ventilaziun.

L'onn 1891 han fundà Charles Brown e Walter Boveri la BBC a Baden en Svizra. Per ils pioniers da l'elettrotecnica era la forza electrica il stimulator d'ina nova epoca. L'interpresa antecessura dad ABB ha realisà questa visiun en in tempo enorm – baud era en il sector da viafiers. Già il 1913 ha la BBC furnì las emprimas locomotivas per la lingia da l'Alvra. La BBC è stada il motor sin il champ da l'electrificaziun da la rait da viafier svizra ed è era stada participada a l'electrificaziun dal traject dal Gottard en ils onns 1921-1924.

L'onn 1988 ha la BBC fusiunà cun l'interpresa svedaisa ASEA a l'ABB. Entaifer il portfolio da la tecnica d'energia ed automatisaziun dal concern èn ils systems elettrotecnics per trens sco era per l'infrastructura da viafier vinavant centrals. Uschia cumpiglia l'"Allegra" in pachet da tracciu dad ABB energeticamain effizient che generescha cun ir aval forza electrica per ils trens che van amunt. Quest pachet consiste da dratguirs da current compacts e da transformateurs adattads a las exigenzas specificas dal Grischun muntagnard.

Il tren ad autotracciu Allegra è vegnì construi da la Stadler Rail. Dapi l'entschatta da la collavuraziun tranter l'ABB e Stadler Rail l'onn 2002 ha Stadler Rail empustà tar ABB in equipment da tracciu per dapli che 1'500 trens regionalis e per passa 300 viafiers urbanas.

ABB proveda il sector da viafier cun tecnologias innovativas ed energeticamain effizientas che provegnan surtut da la Svizra. En il Turgi argovian vegnan sviluppads e producids dratguirs da current per viafiers, al lieu da produczion Genevra transformateurs da tracciu. Ultra da quai producescha ABB tut las



Power and productivity
for a better world™



125
YEARS IN
SWITZERLAND
www.abb.com

componentas ed ils systems parzials che vegnan duvrads en raits da viafier dal traffic a curta e gronda distanza sco era sin lingias da viafiers ad autezza sveltezza. ABB dispona en l'entir mund d'ina immensa basa installada ed offra prestaziuns da servetsch era sur il ciclus vital ora (Life Cycle Services), inclus il mantegniment sco era equipments e cumplettaziuns (Retrofit).

Links

[Key Visual](#)

[Fotografia: Image of the ABB-branded Allegra Train](#)

[Pagina web davart las festivitads per il giubileum da 125 onn](#)

ABB

ABB (www.abb.com) ha ina posiziun dominante en la tecnica d'energia ed automatisaziun. L'interpresa pussibilitescha a ses clients da megliar en il provediment d'energia ed en l'industria lur prestaziuns e da reducir a medem temp la contaminaziun da l'ambient. Las interpresas da la gruppa ABB en activas en var 100 pajais ed occupan 6'550 collavuraturas e collavuratur en Svizra.

Persuna da contact per ulteriuras infurmaziuns:

Media Relations
Michael Schiendorfer
Antonio Ligi, Sandra Wiesner
Tel: +41 43317 7111
media.relations@ch.abb.com

ABB Ltd
Affolternstrasse 44
8050 Turitg
Svirza